

## A- Čoahkkinbeavdegirji

RiddoDuottarMuseat

Čoahkkin Leavnnjas 08.09.22 diibmu 10:00-16:00

### Oasseváldit:

Marit Meløy	Stivrajođiheadji
Nils Johan Heatta	Nubbijođiheadji
Ellen J Sara Eira	Stivralahttu
Ingar Elling Eira	Várrelahttu
Olaug Larsson	Stivralahttu
Hilde Skanke	Stivralahttu
Margrethe Vars	Várrelahttu bargiidovddasteaddji/stivralahttu.
Anne May Olli	Čáli.

Viiban: Svein Atle Somby, Sten Magnar Nikodemussen

### Ášši:

#### **21-2022 Čoahkkingohččuma ja áššelisttu dohkkeheapmi**

Mearrádus: Rievdadit ášševuoruid. Konstituerema sirdán vuosttaš áššin. Dohkkehuvvon.

#### **22-2022 Protokolla vuolláičáliid váljen.**

Hilde Skanke ja Ingar Eira vállejuvuiga vuolláičállit otná protokolla. Ovttajienalaččat.

### **1. DIEHTOJUOHKINÁŠŠIT**

#### **23-2022 Diehtujuohkimat**

Rehketdoallu otnáži

SVD 50 jagi ávvudeami doaimmat

-3D prošeakta SVD:s

-Berit Åse Johnsen lea ráhkadeame 2 girjji

-SVD sihkkarastinruđat

-Máze Zion girku rahpan 18.9

-Movt Máze dokumentašuvdnaprošeakta ovdána

-Sámi museasearvi Duiskkaprošeakta. Golggotmánus Johan Aslak Hætta ovddasta RDM Duiskkas.

-Geargan 3 áitti divodemiin dán jagi, Guovdageainnu gilišiljus

-Kjersti Robertsen luobai iežas barggus RDM:s 1.9, mii leat álggahan virgádanproseassa ja leat ožžon 3 ohcama

- Jáhkovuonas lei geasset fiinna 30 jagi ávvučájáhus. Sullii 100 guossi fitne dan vahkku go čájáhus lei doppe. Dál dat lea Billávuonas.
- Mis leat dál doaimmat guovtti báikkis Porsáŋggus. Nubbi lea ovtta Kvena giellaguovddážiin. Gielda lea lohpidan ahte eai sirdde sin ovdal go mis lea čovddus sajis museii. Sámediggi lea juolludan doarjaga viessoláigui.
- Lea stuora beroštupmi beassat luoikkas váldit dáidagiid čájáhusaide. Dál leat čájáhusat sihke Sveitsas ja Duiskkas.
- Leat oston dáidagat mat ledje Venezia-Biennalas.
- Kulturdepartemeantta hálddahuš galledii min 29.9.
- Kulturministtar fitná golgotmánus Kárášjogas

**Mearráduš:** Vuhtiiváldon.

## 2. Čuovvolanáššit

Eai leat áššit

## 3. Mearrádušáššit

### Ášši 24-2022

### Stivrra konstituieren

#### 1) Áššebáhpirat:

- Mearrádušreive mas čuožžu geat leat välljejuvvon RDM 2022-2026 áigodaga stivrii

#### 2) Áššečielggadeapmi:

Sii geat leat välljejuvvon RDM stivrii boahpte áigodahkii 2022-2026 leat:

Stivrrajođiheaddji:	Marit Meløy	Várrelahttu:	Ol Johan Gaup	Sámediggi välljen
Stivrralahttu:	Nils Johan Heatta	Várrelahttu:	Liv-Elin Wilhelmsen	Sámediggi välljen
Stivrralahttu:	Hilde Skanke	Várrelahttu:	Olaf Andersen*	Porsáŋggu gielda välljen
Stivrralahttu:	Ellen J. Sara Eira	Várrelahttu:	Anders S. Buljo	Guovdageainnu suohkan välljen
Stivrralahttu:	Sten Nikodemussen	Várrelahttu:	Ingar Eira	KSM eaiggátvuodđudus
Stivrralahttu:	Svein Atle Somby**	Várrelahttu:	Klemet Amund Eira**	Kárášjoga gielda
Stivrralahttu:	Olaug Larsson***	Várrelahttu:	Eilif Novang***	SVD eaiggátvuodđudus
Stivrralahttu:	Ellen Bals	Várrelahttu:	Margrethe Vars	Bargit

\*Porsáŋggu gielda ii leat välljen várrelahttu. Ii leat dieđus joatká go seamma várrelahttu go Hilde Skanke lea välljejuvvon joatkit stivrras.

\*\*Kárášjoga gielda lea välljen áirasiid 2022-2024 áigodahkii. Somby välljejuvvui RDM stivrii 2015:s, go lei gieldda sátnejođiheaddji

\*\*\*SVD eaiggátvuodđudusa dárkkistanlávdegoddi vällje odđa áirasiid eaiggátvuodđudusa stivrii 2022 loahpageahčen, ja dát jođiheaddji lea maid RDM stivrralahttu. SVD eaiggátvuodđudusa áirasat čohkkájit gitta 2022 lohppii. Sii geat dál leat stivrras leat välljejuvvon áigodahkii 15.10.2019-31.12.2022.

#### 3) Mearrádušárvalus:

Direktevrras ii leat evttohus.

4) Mearráduš:

Stivrre konstitueren.

Sámediggi lea válljen jođiheaddji: Marit Meløy

Válljet nubbijjođiheaddji: Nils Johan Heatta

Jienasteapmi: Ovttajienalaččat.

**Ášši 25-2022**

**2022 reviderejuvvon bušeahtta**

1) Áššebáhpirat:

- 2022 bušeahtta
- 07.09.22 reviderejuvvon bušeahtta

2) Áššečielggadeapmi:

RDM 2022 bušeahtta mearriduvvui 2021 juovlamánu. Obbalaš rámma lei 14 021 255 ruvno (earret prošeavttaid, oktan 150 000 ruvnuin mii lea merkejuvvon doarjja visttiid láigoheapmái).

Sisaboahu lea lassánan 700 000 ruvnuin reviderejuvvon bušeahtas, dán doarju Sámediggi, eará lassáneamit leat 7300 ruvno Porsáŋgu gielddas ja fylkkagielddas ges 12 856 ruvno. Reviderejuvvon bušeahtas lea ekonomalaš rámma 14 816 381 ruvno. Dasa lea lasihuvvon 75 000 ruvno go RDM lea rehkenastán ahte sisaboahu vuovdimiin lassána.

Sámedikki reviderejuvvon bušeahtas čállo ná juolludeami eavttuid birra:

Sámediggi lea 2020:s ja 2021:s ožžon lasi juolludeami oastit dáidaga, ja dát doarjja lea viidáset juolluduvvon RDM:i. RDM:i lea dušše 2021:s juolluduvvon 5 mill. ruvno lassi doarjja dáidaga oastit boahhtevaš dáiddamuseai. Hástalus lea ahte RDM:s ii leat doarvái sadji buot liige dáidagii mii dál ostojuvvo. 2021:s láigohedje stuorebuš areála gos dáiddamagasiinnat dál leat, muhto 2022:s fertejit láigohit liige lanjaid boares seastinbáŋkkošvisttis Kárášjogas. Dat máksá 66 000 ru jahkásaččat, 2022:s máksá ges 50 000 ru. Vai dáidaga sáhttet vurrkodit bures lea dasa lassin dárbu oastit viessodávviid/ilduid jna. ođđa lanjaide maid RDM láigoha. Dárbu meroštallá leat 50 000 ru. Hálddašan dihte lassi ostojuvvon dáidaga lea dárbu eanet hálddahušlaš resurssaide dáiddačoakkálmásain bargat, dasa gullá registreren, vurkenrusttet, luoikkaheapmi ja sullasaš. Dárbu dás lea 500 000 ru 2022:s. RDM ossodat Leavnnjas lea leamašan guovtti sajis, nubbi magariinna/čoakkáldathálddašeapmái ja nubbi čájáhusaide ja aktivitehtaide ja eará olggos guvlui doaimmaide. Maŋemus namahuvvon áđat leat dál čohkkejuvvon ovtta sadjái giellaguovddážiin mii dál fárra olggos. Dan oktavuodas lea sihke sávahahtti ja ulbmilaš ahte RDM guokte báikki čohkkejuvvoba ovtta báikái. Dat mielddisbuktá lasi viessoláigogoluid 150 000 ru jahkásaččat. 2022 lea rehkenaston 100 000 ru lassi dárbu. Várrejuvvojit ruđat liige lanjaide dáiddačájáhussii, liige lanjaide viessodávvirat, liige hálddahušlaš resurssaide dáiddačoakkálmasa hálddašeapmái ja Leavnnja ossodagaid čohkkemii. Postii lasihuvvo 700 0000 ru 2022:s. (Teaksta sámegillii vižžon Sámedikki áššebáhpiriin.)

Dáiddačoakkáldaga hálddašeapmái leat mii golahan eambo go mii lei RDM dábálaš doaibmabušehtas, dáid goluid leat eará museat veahkehan gokčat, go leat alddiineaset unnidan goluid. Dál beassat dáid goluid gokčat lassidoarjagiin.

Konsumhaddeindeaksa (KPI) lea lassánan 6,3 proseanttain 2021 geassemánus 2022 geassemánui. Dát mearkaša ahte mii oažžut 2021:s unnit go maid oaččuimet seamma mađe ruđain 2022:s. Dát mielddisbuktá ahte RDM oastinfápmu njiedjá. 2022 doaibmabušehtta hábmejuvvui 2021:s 2020 ja 2021 rehketoallologuid vuodul. Dan dihte lea 2021:s ja 2022:s stuorit erohus obbalašmávssus gálvvuid ja bálvalusaid oastimis. Reviderejuvvon bušehtas leat mángga poasttas lasáhusat, gokčan dihte haddeindeaksa.

Okta poasta mas lea stuorebuš erohus gaskkal bušehta ja reviderejuvvon bušehta lea poasta dihtorvuogádagaid ja prográmmaid oastimii. Mii leat oastán muhtin prográmmaid nannen dihte RDM doaimma, dego HMS/suodjalusáittardeaddji neahttačovdosat, ođđa kássaosiid musearámbuvrriide (lasihan Vippsa). Mii leat oastán beacons/GPS čuoggáid Vappus vuogádahkii. Mii leat maid oastán ođđa neahttasiidobálvalusaid ja stivramodula diibmá, mas dán jagi šaddá máksu olles jagi ovddas. Dan dihte lea dárbu lasihit ruđaid doaibmabušehtas dáidda áššiide. Dasa lassin leimmet bušehtas vuoruhan beare unnán ruđa dáhkádusaide, maid hálddahus máksá. Dan dihte lea hálddašangoluid bušehtta lassánan ollu.

RDM:s lea tariffašiehtadus HUK-guovllus, museaid ja eará kulturásahusaid riikaviidosáš siehtadus. RDM čuovvu stáhta personalašiehtagirjii ja stáhta bálkáregulatiivva. Bálkágoluid erohus ovdal ja maŋŋá 1.5.22 lei sullii 100 520 ruvno oktan penšuvdnalassánemiin. Dien lassin lea vel báikkálaš bálkášiehtadallan sullii 0,85 % obbalaš bálkkáin.

Mii várret maid 30 000 ruvno strategijaplánabargui man hálddahus máksá.

### 3) Mearrádusárvalus:

<b>Bálkárámma</b>	
RDM Hálddahus	<b>2 799 007</b>
SVD	<b>2 347 025</b>
GG	<b>1 182 310</b>
PM	<b>1 254 525</b>
JMM	<b>614 402</b>
Dáidda	<b>1 241 457</b>
<b>Bálkárámma oktiibuot</b>	<b>9 438 726</b>
<b>Eará doaibmarámma</b>	
RDM Hálddahus	<b>1 365 325</b>
SVD	<b>1 276 000</b>
GG	<b>390 400</b>
PM	<b>814 100</b>
JMM	<b>396 000</b>
Dáidda	<b>1 135 830</b>
<b>Eará doaibmarámma oktiibuot</b>	<b>5 377 655</b>

<b>DOAIBMAGOLUID submi</b>	<b>14 816 381</b>

4) Mearrádus:

Reviderejuvvon bušeahtta 7.9, lea dohkkehuvvon ovttajienalaččat. Revidert budsjettforslag

<b>BÁLKÁGOLUT</b>		
RDM Hálddahus		2 799 007
SVD		2 347 025
GG		1 182 310
PM		1 254 525
JMM		614 402
Dáidda		1 241 457
<b>BÁLKÁGOLUT OKTIIBUOT</b>		<b>9 438 726</b>
<b>EARÁ DOAIBMAGOLUT</b>		
RDM Hálddahus		1 424 325
SVD		1 351 000
GG		447 400
PM		837 600
JMM		435 000
Dáidda		1 139 830
<b>EARÁ DOAIBMAGOLUT OKTIIBUOT</b>		<b>5 635 155</b>
<b>DOAIBMAGOLUT OKTIIBUOT</b>		<b>15 073 881</b>

fra 7.9  
enstemmig  
godkjent.

**Ášši 26-2022**

**Strategiijaplána proseassa**

1) Áššebáhpirat:


- 2017-2022 strategiijaplána
- Stivrra árvvoštallan
- Bargiid árvvoštallan

2) Áššečielggadeapmi:

2017-2022 áigodaga strategiijaplánas RDM guorahalai ieš iežas. RDM:i lei dehálaš diehtit manne mii leimmet dan dilis mas leimmet, vai sáhtiimet hábmet strategiija movt min boahtteáigi galggašii leat, ja movt sáhtášeimmet välljejumiid ja vuoruhemiid bokte olahit dan. Dán mannan 5 jagi lea RDM bargan ođđasisorganiseremiin, mii maid mearkašii bargiid logu unnideapmi hálddahusas, ja fágabirrasiid nannen earret eará teambuildning bokte. Mii leat maid bargiid bargobirrasa nannemii bidjan návccaid. Mii leat earret eará buot Porsáנגgu musea doaimma sirdán Levdnjii ja Jáhkovuona mearrasámi musea lea buoridan kantuvrraid maid láigohit báikkálaš biebmorámbuvrras ja mii leat áimmahuššan musea visttiid. Kárášjogas vuoruhit ain huksenášši, ja das leat ollu váikkuhusat sihke Sámiid Vuorká-

Dávviiridda ja dáiddamagasiidnii/boahktevaš dáiddamuseai. Guovdageainnus lea leamašan guovddášis buoridit áibmorusttegiid čájáhuslanjain ja divodit visttiid. 2022:s gárvii RDM mearkagálvovuodu “Min ovddeš áigi – min boahkteáigi”. Museaide lea mañemus jagiid leamašan dehálaš bidjat návccaid sosiála media bargui, vai mii viidábut olahivččiimet iežamet gaskkustemiin.

Ođđa strategiijaplánas mii áigut reflekteeret lea go strategiija man leat čuvvon dahkan ahte mii lea lagabus olahit daid mihtuid mat álgovuolggalaččat ledje. Sihke Kárášjoga huksenáššis ja vuovdalanbargguin, leat mii bargan RDM servvodatrollain, min ulbmiljoavkkuin ja min oinnolašvuodain. Ođđa strategiijaplánas lea dehálaš fátmastit dan barggu maid leat bargan proseassain maid leat čađahan ja geahčadit dáid olles RDM:i ávkin.



Go juo RDM lea ovdal čađahan strategijaproseassa, de áigut geavahit vuodđun ovddeš árvvoštallamiid, ja geahčadit makkár bohtosiid mii leat olahan áigodagas. Hástalus lea ahte dál mis leat leamašan moadde jagi go lea leamašan pandemija ja hástaleaddji dili pláenaáigodagas. Dát dagaha ahte eai leat lunddolaš ja dábálaš guosselogut, bileahttasaboađut ja diekkárat maid sáhtášii atnit vuodđun.


### Proseassa lea jurddašuvvon čađahuvvot ná:

1. Analysaáigodat: geassemánnu - juovlamánnu:
  - 2018-2022 stivrra plánaáigodaga árvvoštallan
  - Bargit plánaáigodaga árvvoštallan (bargit geat barget 2022:s)
  - Guovddáš indikáhtoriid ovdáneapmi: ekonomiiija, guosselogut, dávvirat, barggut/ovddasvástádusat ja nu ain.
  - Politihkalaš áigumušaid ja museaid áigequovdilis áššiid čoahkkáigeassu. Makkár vuordámušat leat boahkteáiggi museaide?
  - Workshop bargiiguin dálá dili birra
    - Hástalusat ja dárbbut
    - Min nanusvuodát ja dárbbut
2. Syntesaoassi: 2023 ođđajagimánnu – njukčamánnu
  - Workshop eaiggádiiguin/berošteddjiiguin
    - Hástalusat ja dárbbut
    - Min nanusvuodát ja dárbbut

- Stivrra strategiijaseminára
  - 1. evttohus sáddejuvvo stivrii njukčamánu 1. beaivvi
  - Digaštallat RDM analysaid implikašuvnnat
  - Digaštallat vuoruhemiid
  - Cealkit movt strategiijabargu galgá ain joatkit

### 3. Strategiijaplána: 2023 cuoŋománnu – geassemánnu

- Váldooasit 2. evttohusa čállošis sáddejuvvojit gulaskuddamii bargiide ja eaiggádiidda. Áigemearri vástidit lea miessemánu 1. beaivvi
- 2. evttohus sáddejuvvo stivrii geassemánu 1. beaivvi kommenteremii
- 3. evttohus – stivra mearrida ollásiid strategiija geassemánus



### ***Prošeaktaorganiseren ja resurssat***

<b>Prošeaktajođiheapmi:</b>	Marit Meløy ja Anne May Olli
<b>Referánsajoavku:</b>	Stivra
<b>Siskkáldas resurssat :</b>	RDM bargit
<b>Olgguldassat resurssat:</b>	Mii áigut čađahit barggu siskkáldas resurssaiguin nu ollu go lea vejolaš, muhto lea dárbu veháš veahkkái earret eará workshopaid plánemii ja čađaheapmái. Mii leat jearran Arctic Primes, dan dihte go dát fitnodat lea bargan RDM mearkagálvovuđuin.
<b>Bušeahhta:</b>	60.000 kr. (guovtti jagis 2022/2023)

3) Mearrádusárvalus:  
Strategiijaproseassa biddjo johtui nu go árvaluvvon.

4) Mearrádus:

Stivra bidjá johtui strategiijaproseassa. Sihke bargit, eaiggádat ja eará berošteaddjit galget fátmastuvvot ja searvat bargui. Mii geavahit gitta 60 000 ruvno bálkáhít olgguldassat doarjaga.

### **4. Digaštallanáššit**

Eai leat áššit

## 5. Čoahkkáigeassu

Buohkat ožžot sátnesaji

**Ášši 27-2022**

**Muđui**

Eai leat áššit

Referáhtta duođastuvvo leat riehta:

\_\_\_\_\_(sign.)\_\_\_\_\_

Hilde Skanke  
Stivralahttu

\_\_\_\_\_(sign.)\_\_\_\_\_

Ingar Eira  
Stivralahttu